



Uunga
Inatsisartunut ilaasortaq
Tillie Martinussen
Suleqatigiissitsisut

Inunnik isumaginninnermut suliassaqarfik pillugu § 37 naapertorlugu apeqqummut akissut (2018-079)

Asasara Tillie Martinussen

Inunnik isumaginninnermut suliassaqarfimmi suliniutit aallartinneqarsimasut pillugit apeqquteqarninnut qujanaq.

1. Inunnik isumaginninnerup iluani suliniutit suut aallartinneqarnikuuppat ukioq manna qinersinissap suarutigineqarnissaa sioqqullugu aamma 2018-mi Aningaasanut Inatsimmi taaneqarsimangitsunik kiisalu Inunnik Isumaginninnermut Naalakkersuisup nittartagaani Peqqik.gl-milu taaneqarsimangitsut?

Naalakkersuisooqatigiinnissamik isumaqatigiissummi anguniagassatut saqqummiunneqartut naammassineqarnissaat Naalakkersuisut sulissutigaa. Tamatuma saniatigut Aningaasanut Inatsimmi 2018-imi suliniutit aningaasaliiffigineqartut Naalakkersuisunit ingerlateqqinneqassapput.

Naalakkersuisutut nutaatut, sammisassarisat assigiinngitsut iserfiginialeruttorpakka, tassani siunertaralugu inunnik isumaginninnermi suliassaqarfimmi siumut sammisumik suliniuteqarnissap piareersarneqarnissaa, taamaalillutik suliniutit taakku naalakkersuisooqatigiinnissamik isumaqatigiissummut naleqqussarneqassallutik.

Naalagaaffiit Peqatigiit Inuit Innarluutillit pisinnaatitaaffii pillugit isumaqatigiissutaata malinneqarnissaa siunertaralugu, Inuit Pisinnaatitaaffiitut Kalaallit Nunaata Siunnersuisooqatigiivnut, Inuttut Pisinnaatitaaffinnut Instituttimut kiisalu inuiaqatigiinnut Naalakkersuisoqarfik attaveqaataasutut pisussaaffeqarmat immikkut oqaatigineqassaaq. Isumaqatigiissutip atuutilersinneqarnissaata nakkutigineqarnerani suleqatigiinnerup taassuma inuiaqatigiinnik pitsaannerusumik ilaatitsinissaaq tapersissavaa. Suliaq tamanna 2018-ip ingerlanerani aallartinneqassaaq.

Ilanngulluguttaaq paasissutissiissutigisinnaavara nukittorsaanissaaq siunertaralugu suliniutit assigiinngitsorpasuit ingerlanneqarmata:

- Meeqqanut inuusuttunullu suliassaqarfimmi, matumani kommunit sulianik sullissineranni ikiorsiinerit, suliassaqarfimmi periaatsinik ineriartortitsineq, ulloq unnuarlu paaqqinnittarfinni suliamut tunngasut nukittorsarneqarneri, suliassaqarfimmi sulisut pikkorissartinneqartarnissaanik piginnaasaasalu ineriartortinneqarnissaanik qulakkeerinnineq, ilaqtariinnut sullissiviit kommuninit ineriartortinneqarnerinik ikorfartuineq, meeqqanik sullissinnermi angalasartoqatigiit il.il. ingerlanneqarput.

29-05-2018
Suliap nr. 2018 - 11163
Akt id 7918524
Postboks 260
3900 Nuuk
Oqarasuaat (+299) 34 50 00
Naqitanik nassitsigasuaat +299
34 66 66
E-mail: iniian@nanoq.gl
www.naalakkersuisut.gl

- Inunnut innarluutilinnut suliassaqarfimmi, matumani inatsisitigut tunngavigisanik nukittorsaaneq, kommunit sulianik sullissineranni tapersersuineq, suliassaqarfimmi periaatsinik ineriartortitsineq, ulloq unnuarlu paaqqinnittarfinni sulianut tunngasut nukittorsarneqarnerat, suliassaqarfimmi sulisut pikkorissartinneqartarnissaanik piginnaasaasalu ineriartortinneqarnissaanik qulakkeerinninneq, ilaqutariinnut sullissiviit kommuninit ineriartortinneqarnerinik ikorfartuineq, meeqqanik sullissinermi angalasartoqatigiit il.il. ingerlanneqarput.

2. Pilersaaruteqarnerluni imaluunniit inatsisissanik siunnersuuteqarnerluni suliarineqartunik, qulaani taaneqartuni tusagassaqartitsivinni sammeneqarsimannngitsunik?

Apeqqummut 1-imut akissut innersuussutigineqarpoq.

3. Meeqqanut Inuusuttunullu immikkoortumi suliniutit suut aallartinneqarnikuuppat kiisalu innuttaasunut kinguaassiutitigut kanngutsaattuliorfigineqarsimasunut, qulaani taaneqartuni tusagassaqartitsivinni sammeneqarsimannngitsunik?

Apeqqummut 1-imut akissut innersuussutigineqarpoq.

4. Naalackersuisup nutaap soqutigisaqatigiinnik- kattuffinnik, ataatsimeersuarnerni assigisaanilu ataatsimeeqateqarnissaanut ataavartunik pilersaaruteqartoqarnerluni Ilaqutariinnermut Peqqissutsimullu Ataatsimiititaliami ilaasortat ilisimasariaqqaanik imaluunniit peqataaffigisinnaasaanik?

Naalackersuisup ataatsimeersuarnerni, ataatsimiinnerni assigisaanilu peqataasimanera pillugu, ilisimatitsinissaq naleqquttut nalilerneqarpat, ataatsimiititaliaq ilisimatinneqartassaaq. Taamatuttaaq ataatsimiititaliaq ilisimatinneqartarumaarpoq, siunissami aaqjissuussinernut Ilaqutariinnermut Peqqissutsimullu ataatsimiititamut peqataanissaq pingaaruteqarpat ajornanngippallu.

Inussiarnersumik inuulluaqqusillunga
Med venlig hilsen



Anthon Frederiksen